



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Abroganda Missa || Privata Marti-||ni Lvtheri ||  
Senten-||tia**

**Luther, Martin**

**Wittembergae, 1522**

**VD16 L 3619**

Protestatio.

**urn:nbn:de:hbz:466:1-33296**

PROTESTATIO.



**P**ROTESTOR inprimis aduersus eos, qui infanis uocibus in me sunt clamaturi, quod contra ritū Ecclesie, contra statuta patrū, contra probatas legendas & receptissimū usum docuerim, horum nihil me auditurum. Deniq; nec principia illa fidei Parthiensiſis Iapanis, quæ sunt opinio- nes hominum, seu ut Petrus uocat, .ii. Pet. ii. *ἀνθρώπων καὶ πωλιῶν*, huius flocci facturus sum. Si enim uel horā lucidi interualli haberet lunaticus eorū morbus, aliquādo certe uiderent, cum his omnibus nituntē, citra uerbū dei, non diuina sed humana dumtaxat se niti autoritate. At humanis solis niti in re diuina & causa pietatis, ut scripturæ omittam testimonia, ipse hominū cōmunis sensus recte damnat. Diuina. n. secundū diuina dūtaxat eloquia geri & uolūt & debent, ut uel unus Moses in Deuteronomio locupletissime testatur, Quid ergo est, ut me sperent, suis propriis, id est, humanis testimoniis auellere a diuinis? An fingunt obscurū sibi ipsis esse, sanctos & peccasse in uita & errasse in doctrina sepissime? Si autē peccauerunt & errauerunt sepissime, quis furor est, eorū facta & dicta pro diuinis & infallibilibus regulis pietatis statuere? Nonne & eorum ius alioqui summa iniuria, suspectam facit eiusmodi autoritatem, cum dicit. Semel malus, semper præsumitur malus? Quis enim nos certos faciet in quo non errauerint patres, quos sepissime tu ipse errasse confiteris, si eorum autoritas satis est, nec licet eam superiore autoritate diuini eloquii iudicare? At ipsi elucidauerunt eloquia diuina? Quis & hoc ita esse probauit? Quid si non minus errauerunt elucidando, quā uiuendo & docendo? Omnia nostra adhuc humana facis, hac ratione, ut cum Cicerone tibi dicere possim. Fingebat hæc Homerus humana transferens ad deos, diuina malle ad nos, ita & tu ex hominibus deos nobis facis, & uerbo dei uerba hominū cōparas perniciosissime. Proinde sciant infani Sophistæ, indocti pontifices, impii sacerdotes, sacrilegi monachi, & totus Papa cū suis squamis lupa

Sectæ perditionis.

Sanctorū exempla & doctrina periculosa.



naribus, lucis, excelsis uniuersis, nos nō esse baptifatos, neq; cre-  
dētes in noīe Augustini, Bernhaldi, Gregorii, nec in noīe Petri  
nec Pauli, nec in nomine almæ facultatis Theologiæ Parrhisi-  
ensis Sodomæ, aut Louaniensis Gomorræ cū suis Sorbis, sed in  
nomine solius Iesu Christi, quē solū confitemur & magistrū no-  
strū, & pro nobis crucifixū. Siquidē Paulus nec sibi ipsi nec an-  
gelo de cœlo credi uult, nisi Christus in ipso uixerit & locutus  
fuerit. Scimus quid patres, quid decreta, quid usus, quid uulgi  
opinio habeant. Nec est opus nobis Parrhisiensi magisterio no-  
stratissimo, quod nos ædita aliqua magistralissima determi-  
natione doceat & dicat. Hæc propositio est scandalosa, est con-  
tra almas facultates, est contra principia fidei, & reliqua quæ  
pueri isti & effeminati, imo trunci & stipites iactare sola noue-  
runt. Nō audimus, Bernhaldus sic uixit & scripsit, sed Bernhar-  
dus sic uiuere & scribere debuit iuxta scripturas. Nō quæritur, ut  
sancti uixerunt aut dixerūt, quos scimus seruatos esse per illud  
orationis dominicæ. Dimitte nobis debita nostra. iuxta regulā  
omnibus sanctis cōmunem. psal. xxxi. Pro hac orabit ad te om-  
nis sanctus in tempore oportuno, ne forte pro ueritate & iusti-  
cia amplectamur, quod illi per orationē meruerunt ignosci sibi  
ut culpam & errorem, ut faciunt Papistæ, dum iuxta psal. lxi. ir-  
ruunt in hominē & interficiunt seipsos uniuersos, super parietē  
inclinatū & macerīe eiectā cū hūc eleuare cogitant ut eiectiones  
statuant, affectantes mendaciū & c. ut Hebræus habet, cū in so-  
lo deo nitendum esse toties idem psalmus ingeminet. Non, in-  
quā, quæritur, ut sancti uixerint aut dixerint, sed ut uiuendum  
scriptura dicat. Non de facto sed de iure quæstio nobis est, san-  
cti errare potuerūt docendo, & peccare uiuendo. Scriptura er-  
rare nō potest docendo, nec credens illi peccare potest uiuendo.  
Sanctos acceptamus, sed quorū gloria nō ex hominibus imo ex  
deo est, quos non Papa canonizat & probat, sed quos deus cō-  
mendat. Ipsius. n. tauri & altaria occisa parata sunt ad nuptias  
Christi filii sui, hoc est, quorū dicta & facta & quatenus nobis di-  
uina scriptura cōmendat, ut sunt patriarchæ, propheta & Apo-  
stoli, quibus solis fideliter & nitimur & seruiamur.